

Te Whakamahere i te Akomanga

Kei roto i teenei waahanga

Mahere Te Koowae Arotake Maataitai

Taumata 3 Ngaa Hononga Marautanga

Taumata 4 Hononga Marautanga

Ngaa Aratohu Maatauranga Taiao

Huahua Koowae – Te Wheako Akoranga, Ngaa Rauemi



He Mahere Koowae Arotake Maataitai

Te Whaainga

Kia whai take ai te whaainga waahi mai o ngaa aakonga me oo raatou whaanau ki te Huihuinga o Tiikapa Moana o Hauraki Te Kaupapa Hapori Arotake Maataitai.

Te Roa o te Mahi: Toona Itinga Rawa 3 Raa – Teeraa pea moo te 4 Wiki

Ngaa Putanga Ako Tauwhaaiti

I mua i te haere: He Moohiotanga Horopaki

- me tautuhi teenei mea te maataitai, te tiro me te arotake
- whakamaaramatia te take e arotakea ai ngaa maataitai
 - a. hei kohi i te rahinga o ngaa raraunga i roto i ngaa tau hei tautuhi i ngaa ia
 - b. kia kitea ai ngaa waahi teeraa pea ka manawa-poporetia, ka tuuhuratia anoo pea
 - c. kia whakauutia he tikanga tangotango toituu, te tiaki i teenei o ngaa rawa moo ngaa whakatupuranga
- Whakaraarangi ngaa take e kiia ai he mea nui te maataitai.
 - a. he whai tikanga motuhake, he waahi noo teetehi puunaha hauropi
 - b. kaimoana, he rauemi kai
 - c. te kaimoana, he paataka kai, he kai rangatira ki te iwi Maaori
 - d. ka taea te whakamahi hei 'tuutohu' taiao hei ine i te hauora puunaha hauropi whaanui tonu
- Whakamaaramatia ngaa moorearea teeraa pea ka paa ki ngaa taupori maataitai
 - a. Overharvesting / mahi apuapu
 - b. ngaa paanga o te keru whenua, ko te parataiao teetehi mea nui
 - c. te tuukinotanga (ina koa, ngaa paranga wai aawhaa, te hopi, te hinu, ngaa parahanga, te parakaingaki)
 - d. ngaa momo koiara manene
 - e. te hurihanga o te mahana o te ao

I mua i te haere: Takatuu moo te Tirohanga

te tuuhura me te whakaroopuu i ngaa maataitai maa te maataki i ngaa aahuatanga o te tinana

- a. ngaa anga-rua: te tuangi, te pipi, te hanikura, te whaangai karoro, te matangongore
 - b. ngaa ngata moana: te koeti, te matangongore, te kaakara
- whakamahia he mekameka kai ngaawari hei whakamaarama i ngaa whanaungatanga kai o ngaa maataitai
 - whakaraarangi ngaa raraunga ka kohia i roto i te tirohanga maataitai
 - whakamaaramatia me te tohutohu i ngaa tikanga tirohanga me ngaa utauta e whakamahia ana: ngaa tiipokatanga, ngaa puutapawhaa, ngaa taatari, puurere ine
 - Whakamaaramatia he aha i kiiia ai he mea tino nui te ine me te tuhi i ngaa raraunga

Te Haere aa-Takiwaa Kawea te Tirohanga

- kimihia te tauwaahi tirohanga, whakamahia te puutapawhaa me ngaa taatari hei kohi taatauiria
- whakamahia he rau tataunga hei whakapuukete i ngaa momo me te tapeke o ngaa maataitai, whakamahia he puuine hei ine i ngaa maataitai
- whakamaaramatia ngaa paanga o te tangata ki te waahi e tirohia ana

I muri i te haere: Te Taatari me te Whakamaaori i ngaa Kitenga

- Taataritia ngaa kitenga o te tiro whaanui maa te whakamahi i ngaa raraunga tootika (ina koa he kauwhata pae, he kauwhata pie (hei tuku puurongo moo eenei paatai
 - a. ko eehea ngaa momo kei reira, kei whea rawa i te takutai too raatou kaainga
 - b. E noho ana ngaa maataitai nunui rawa/ iti rawa ki whea
 - c. mehemea kei te rerekee haere ngaa tapeke me ngaa rahinga maataitai ia tau, ia tau
- me noho ki te whakamaaori ki te aromaatai hoki i ngaa whakaaturanga raraunga maa te whakamahi i ngaa ariaa o te kiato, o te raneatanga, o te rerekeetanga maaori noa, me ngaa ia

Mahere Koowae Kei te haere tonu...

Mahia te Mahi – Eetehi atu Ngohe Whai i Muri

Nga Waiaro me nga Uara

- hoahoa me te whakamahi i teetehi tirohanga inekounga hei rapu i te moohiotanga, i nga waiaro me nga uara moo te tango maataitai
- whakamaarama i te ariaa Maaori o te 'kaitiakitanga' me te paanga o teenei ki te maataitai me te horopaki moana whaanui kee atu
- te tautuhi me te kauwhau i oona uara ake moo te whakahaere me te whakamahi maataitai

He Tuuhuratanga atu anoo moo te Puuaha/Takutai i Tirohia

- tautuhi i te rohe kaauru
- rangahau i nga rerekeetanga o te whakamahi whenua i te rohe, me te whakamaarama i nga hua o eenei

Te Whakatairite i nga Kitenga

- whakamahi i nga kitenga o nga tau o mua atu (mehemea e waatea ana) hei whakatairite hei whakamaarama hoki i eetehi rerekeetanga
- whakatairitea nga kitenga i too waahi tirohanga ki nga kitenga o eetehi atu waahi (mehemea e waatea ana)

Mahia Te Mahi

- tautuhitia eetehi atu rautaki/mahinga teeraa pea ka taea hei tiaki i nga maataitai/te whaanui-tanga koiora raanei, ina koa, nga raahui moana, nga raahui, te kohikohi parahanga, te maa-auranga hapori moo nga herenga, te tuukinotanga wai aawhaa
- me whakatau take moo te kawae i eetehi mahi hei whakapiki i te hauora o te taiao moana ina koa, kohia nga parahanga, me whakauru ki WaiCare, me whakamoohio nga kura, te hapori whaanui kee atu moo nga herenga i te tango kaimoana/te aarai i te tuukinotanga

Hononga Marautanga Taumata 3

Nгаа Maataapono

Katoa ngaa maataapono ka whakakapia i teenei kaupapa ako. I tua i teeraa i raro i teenei kaupapa ako ka hua ake he whaainga waahi moo te whaainga waahi o ngaa aakonga ki te mahi tahi me te haponi, me te arotahi tonu ki ngaa raa e tuu mai nei. Ka tuuhuratia te toituutanga o aa taatou rawa maataitai e ngaa aakonga, e puta ai ngaa whakatau moo te noho hei kirirarau kawae haepapa i toona whenua.

Nгаа Waahanga Ako

Te Puutaiao

Te Ao e Ora Ana

- Me maatua moohio he tukanga koiora too ngaa mea ora katoa, aa, he rerekee te kawenga moo teenaa tukanga, moo teenaa tukanga
- Whakamaaramatia he peewhea i tika ai te noho o ngaa mea ora, teenaa i toona noohanga, teenaa i toona noohanga, he peewhea hoki e urupare ai ki ngaa huringa i te taiao, ahakoa maaori noa, ahakoa huringa i takea mai i te tangata
- Me tiimata ki te whakaropuu i ngaa otaota, i ngaa koiora me eeteahi atu mea ora, ki ngaa roopuu i takea mai i te puutaiao

Te AAhua o Teenei mea te Puutaiao

- Tautuhitia ngaa tikanga e mahi tahi ai te hunga puutaiao, e hora taunakitanga ai hei tautoko i oo raatou whakaaro
- Me whakamahi i oo raatou maatauranga puutaiao ina whiriwhiri i ngaa kaupapa nunui ki a raatou
- Me tuuhura eeteahi aahuatanga o teeteahi take me te hanga whakatau moo ngaa mahi teeraa pea ka taea

Nгаа Tikanga aa-Iwi

- Kia maarama he peewhea rawa te rerekeetanga me te whakamahinga o ngaa waahi rerekee
- Kia maarama hoki he peewhea rawa te whakatau a te tangata moo te waatea me te whakamahi i ngaa rawa

Nгаа Paangarau

Nгаа Tau me ngaa Taurangi

- Te whakamahi i te awhe o ngaa rautaki taapiripiri, whakarau ngaawari noa, me ngaa tau matua, ngaa hautanga, ngaa ira me ngaa oorautanga.

Te Inenga

- Whakamahia he puuine aa-raarangi me ngaa tau katoa moo ngaa koowae puunaha rau (metric) moo te roa

Nгаа Tataunga

- Kawea he tuuhuratanga maa te whakamahi i te hurihanga uiui tatau

Te Reo Ingarihi

Te Whakarongo, Te Paanui, Te Tirotiro, Te Koorero, Te Tuhituhi me te Whakaatu

- Whaatahitia ngaa puna moohiohio, ngaa tukanga me ngaa rautaki, me te piki anoo o te maaia ki te tautuhi, ki te hua, ki te whakapuaki whakaaro

Hononga Marautanga Taumata 3

Nga Uara

Ko nga uara whakaroto moo teenei kaupapa inaa raa

- te hapori me te whaainga wahi hei painga moo te katoa
- te toituutanga hauropi

I raro i teenei kaupapa ka ako nga aakonga i nga whakaaro o eetehi atu moo nga maataitai, me te nui o te manaaki i teenei puunaha hauropi.

Nga Tautoohitotanga Matua

Ko te Whakaaro – maa te koowae arotake maataitai e whakaoho te kakama me te paakiki o nga aakonga, e whakapuaetia ai te huarahi whakamahi i te whaanuitanga o nga puna moohiohio, maa te whakamahi i aa raatou wheako ake. Te whakamahi i te reo, i nga waitohu me nga kuputuhi -- I raro i te tikanga marautanga-maha ka whaaia moo teenei koowae, ka aahei nga aakonga ki te mahi me te whaanuitanga o nga puunaha reo, waitohu, kuputuhi hoki, i roto i te horopaki o te arotake maataitai Te whakahaere i a ia anoo – maa te tirohanga maataitai ka tino whai nga aakonga ki te whakapakari i oo raatou puukenga whakahaere i a raatou anoo ki te whakaoti i teetehi whaainga.

Te Noho Tahī me te tangata kee – Ka aahei nga aakonga ki te koorerorero, otiraa ki te mahi tahi ki eetehi taangata kee atu o too raatou hapori, te whaiwhai tuuranga kee, me te aata mahi tahi kia whai hua ai.

Te Whai waahi me te taapae painga - ka taapae painga nga aakonga ki oo raatou hapori, ki too raatou ao hoki maa te whai waahi ki te kaupapa arotake maataitai a HGF, maa te kawae hoki i nga mahi e piki ake ai te kounga me toituutanga o too raatou horopaki.

Ngaa Aratohu Maatauranga Taiao	
Ngaa Whaainga	
<p>Ka whakawhanake ngaa aakonga i eenei e whai ake nei moo te horopaki moana</p> <ol style="list-style-type: none"> 1. Te Ohomauri me te Aroha: ki te ahurei, ki te whaanuitanga koiora me ngaa take o te moana: 2. Te Maatauranga me te Maaramatanga: tirohia ngaa putanga ako 3. Ngaa Waiaro me ngaa Uara: e whakaatatia ai te ngaakau-nui me te atawhai 4. Ngaa Puukenga: hei tautohu i ngaa take me ngaa rongooa maa te whakamahi i te tirohanga Moana 5. Te Whai Waahi me te Mahi: te kaitiakitanga – te whakatupu i te ngaakau atawhai i too taatou taiao moana aa-takiwaa 	
<p>Ngaa Ariaa Matua</p> <p>Te Tauawhiawhi: te noho o te puunaha hauropi hei mea nui.</p> <p>Te toituutanga: te tiaki i ngaa taiao moana moo ngaa whakatupuranga kei mua i te aroaro toona paanga ki ngaa puunaha hauropi moana.</p> <p>Takohanga Whaiaro, aa-Paapori hoki moo teetei Mahi: He Mahi: te tiaki i too taatou taiao moana.</p>	<p>Te Rahi</p> <p>I – teetei takutai/puuaha tuutata.</p> <p>Moo – te hauropi maataitai me ngaa moorea-rea; ngaa tikanga arotake.</p> <p>Maa/I te taha o – te kookiri tikanga hei arotake kei whakapiki hoki i te hauora o te taiao moana.</p>



Te Arotake Maataitai Te Huahua Koowae	Wheako Akoranga	Te Waa	Ngaa Rauemi e Hiahiatia ana
Putanga Ako Motuhake/ Momo Aromatawai I mua i te haere: He Moohiotanga Horopaki Te Aromatawai Tautohu Mate	Wheako Akoranga Te Arotake Maataitai Ngaa Tautuhinga 1, 2 hoki <ul style="list-style-type: none"> • Kua oti teetehi raarangi kiianga matua te homai i roto i tee-tehi tuutohi. Maa ngaa aakonga e whakakii takitahi te tiwae 'whakamaarama tuatahi' (waiho te tiwae tuarua kia paatea tonu). • Kohia, wetekina, (kaua e maakatia) hei kimi moohiotanga teenei moo te maatauranga i mauria mai e te aakonga ki ngaa mahi. • Me whakakii te tiwae tuarua e ngaa aakonga puta noa i te koowae he aromatawai wewete, i te mutunga raanei hei aromatawai huihui 	10 meneti	Ngohe Hautaka Akoranga Wh 1-2
Tautuhitia ngaa maataitai	Tautuhi aa-Akomanga <ul style="list-style-type: none"> • Matapakina, hangaia hoki he tautuhinga aa-akomanga moo te maataitai, i te papa tuhituhi • Ka whakawhiti ngaa aakonga i te tautuhinga ki teetehi raarangi tautuhinga tuarua • Tautuhinga hei tauira: 'teetehi ika he anga toona, he tinana ngohengohe, he wae uaua hoki hei neke, hei taapuke i a ia anoo, hei whakapiri raanei, ka noho i roto, i te taha raanei o te wai' Maataitai <ul style="list-style-type: none"> • Ka hanga raarangi ngaa aakonga o ngaa tikanga maha e aawhina-tia ai te maataitai e te whaainga anga, ina koa, te kaupare i ngaa kaikonihia, te pupuri me te tiaki wai kia kore ai te koiora e maroke haere i te timunga o te tai, hei tiaki i te ika mehemea ka takaruretia e ngaa ngaru, hei parenga whakangungu hoki ki ngaa one kauorooro, me te kirikiri ka tiehutia ki runga i a ia, ia raa, ia raa • Ka whakaraarangi ngaa aakonga i ngaa momo maataitai e moohio ana raatou, ahakoa mahi takitahi, aa-roopuu raanei 	20 meneti	Ngohe Hautaka Akoranga Wh 3

Putanga Ako Motuhake/ Momo Aromatawai	Wheako Akoranga	Te Waa	Ngaa Rauemi e Hiahiatia ana
Tatuhi te tirohanga, me te arotake	<p>I mua i te haere: He Moohiotanga Horopaki</p> <p>Waahanga 1 Whakaaturanga Powerpoint: He aha taatou e kawea ai i te tirohanga maataitai?</p> <ul style="list-style-type: none"> • Whakaaturia he powerpoint ki ngaa aakonga (ka kapi ngaa putanga ako e 3 e whai ake ana) • Me whakakii te tiwae tautuhi tuarua e ngaa aakonga moo te 'tirohanga' me te 'arotake'. Tirohia te kuputaka moo ngaa tautuhinga tauira • Me paatai: 'He aha eeteahi atu tirohanga e moohio ana raatou?' (kaaore he mutunga o te raarangi!) • He aha eeteahi atu tirohanga e moohio ana raatou? Eeteahi tauira: <ol style="list-style-type: none"> 1. te tuukinotanga wai - maa te ine i te huakita, ia raumati i ngaa takutai o Taamaki-makaurau 2. ngaa tataunga ika – ka whakamahia he kaamera rarowai me oona maaunu hei whakapoapoa mai i te ika 	20 meneti	Whakaaturanga Powerpoint Waahanga 1
Whakamaaramatia te take e arotakea ai ngaa maataitai a. hei koha i ngaa raraunga rawaka i roto i ngaa tau hei tautuhi i ngaa ia b. hei tautuhi i ngaa rohe aawanga-wanga moo eeteahi atu tuuhura-tanga c. kia whakauutia he tikanga tango-tango toituu, te tiaki i teenei o ngaa rawa moo ngaa whakatupuranga	<p>Waahanga 1 Whakaaturanga Powerpoint: He aha taatou e kawea ai i te tirohanga maataitai?</p> <p>TITIRO MAI: He rau meka ' Ngaa Puutake e Paa ana ki te Tohanga me te Raneatanga o ngaa Taupori Maataitai i Tua mai o Tai Takoto' kei roto i te Kete Rauemi Kaiako. Ko te whakahau kia hoatu e ngaa kaiako eenei moohiohio, naa te mea kei konei eeteahi moohiohio horopaki pai tonu moo te hauropi maataitai, me ngaa moorearea ki te maataitai. Ka hiahia pea ngaa aakonga taipakeke ki te whakamahi i teenei rau meka i aa raatou rangahau maataitai</p>	5 meneti	Whakaaturanga Powerpoint Waahanga 1 Rau Meka, Kete Rauemi Kaiako Wh 19

Putanga Ako Motuhake/ Momo Aromatawai	Wheako Akoranga	Te Waa	Ngaa Rauemi e Hiahiatia ana
<p>I mua i te haere: He Moohiotanga Horopaki</p> <p>Whakaraarangitia ngaa take e kiia ai he mea nui te maataitai.</p> <ol style="list-style-type: none"> he whai tikanga motuhake, he waahi noo teetehi puunaha hauropi kaimoana, he paataka kai he kai rangatira ki te iwi Maaori ka taea te whakamahi hei 'tuutohu' taiao hei ine i te hauora puunaha hauropi whaanui tonu 	<p>Waahanga 1 Whakaaturanga Powerpoint: He aha taatou e kawea ai i te tirohanga maataitai? Puunaha Rauropi aa-Moana</p> <ul style="list-style-type: none"> Me hanga ngaa aakonga i te hanga puunaha hauropi ngaawari maa te whakamahi ngohe i teetehi hautaka akoranga Kiia atu he tini matatini kee atu eenei mea, i te ao nui kei waho Whaanuitanga Koiora aa-Moana Matapakitia hei akomanga: wehea te 'koiora' i te 'whaanuitanga' i te tuatahi, matapakina hoki ngaa tikanga o eenei kupu e rua, i mua i te tuuhonotanga He tautuhinga hei tauira: 'Ko te whaanuitanga koiora ko te maha me ngaa momo koiora rereke i teetehi taiao' Whakaotingia ngaa ngohe i te hautaka akoranga <p>He aha teenei mea te Tuutohu Taiao?</p> <ul style="list-style-type: none"> Me whakakii ngaa aakonga i te ngohe tuutohu i te hautaka akoranga <p>He mea nui te Maataitai!</p> <ul style="list-style-type: none"> Me whakakii ngaa aakonga i te tuutohi i te hautaka akoranga 	1 haora	Whakaaturanga Powerpoint Waahanga 1 Ngohe Hautaka Akoranga Wh 4-7
<p>Whakamaaramatia ngaa moorearea teer-aa pea ka paa ki ngaa taupori maataitai</p> <ol style="list-style-type: none"> te muru whakaaro-kore ngaa paanga o te keru whenua, ko te rerenga parataiao tuukinotanga (ina koa, te wai aawhaa, ngaa taaoke, te hopi, te hinu, te parahanga, te parakaingaki) ngaa momo koiora manene te hurihanga o te mahana o te ao 	<p>Waahanga 1 Whakaaturanga Powerpoint: He aha taatou e kawea ai i te tirohanga maataitai? Nga Moorearea ki ngaa Maataitai</p> <ul style="list-style-type: none"> Me whakakii ngaa aakonga i te ngohe tuutohu i te hautaka akoranga 	10 meneti	Whakaaturanga Powerpoint Waahanga 1 Ngohe Hautaka Akoranga Wh 8

Putanga Ako Motuhake/ Momo Aromatawai	Wheako Akoranga	Te Waa	Nga Rauemi e Hiahiatia ana
<p>I mua i te haere: Te Takatuu moo te Tirohanga</p> <p>te tuuhura me te whakaroopuu i ngaa maataitai maa te maataki i ngaa aahua-tanga o te tinana</p> <p>a. ngaa angaruua: te tuangi, te pipi, te hanikura, te whaangai karoro, te matangore b) ngaa ngata moana: te koeti, te matangore, te kaakara</p>	<p>Wahanga 3: Te tautohu maataitai, te ine me te tuhituhi raraunga Tautohu Kete Maataitai</p> <ul style="list-style-type: none"> • Ka whakamahi ngaa aakonga i te kete maataitai me te aratohu tautohu maataitai hei koomaka i ngaa anga, o ia momo, o ia momo. • Matapakina te rereketanga o ngaa anga-rua (e rua ngaa anga, ko nuinga he taatari wai te tikanga kai) me ngaa ngata moana (kotahi te anga). <p>(Tiro mai: Ka hoatu pea he kete anga ki ngaa kaiako e te kai-whakarite HGF, ki te kore, he ngaawari noa te mahi i taau ake, maa te kohikohi i ngaa anga (mate) i te takutai o te rohe)</p>	30 meneti	<p>Whakaaturanga Powerpoint Wahanga 3 Kete Anga Aratohu Tautohu Momo</p>
Te Aromatawai Wewete	<p>Whakaingoatia teenaa Anga</p> <ul style="list-style-type: none"> • Ka whakamahi ngaa whakaahua i te hautaka akoranga hei whakaingoa i te momo, me te whakatau mehemea he anga-rua, he angatahi raanei 	10 meneti	<p>Ngohe Hautaka Akoranga Wh 9</p>
Whakamahia he mekameka kai ngaawari hei whakamaarama i ngaa whanaungatanga kai o ngaa maataitai	<p>He Aha ngaa Kai a teenei mea te Maataitai?</p> <ul style="list-style-type: none"> • Maa ngaa aakonga e rangahau ngaa kai a ngaa maataitai me te whakaoti i te tuutohi i te hautaka akoranga (rauemi rangahau whai take: 'Which Seashell?' naa Andrew Crowe, me eeraa atu whakaaro i te raarangi 'ngaa tohutoro me ngaa rauemi') • Me whakakii ngaa aakonga i te ngohe tuutohu i te hautaka akoranga 	15 meneti	<p>Ngohe Hautaka Akoranga Wh 10 Puka Rangahau moo te Maataitai & Te Ipurangi</p>

Putanga Ako Motuhake/ Momo Aromatawai	Wheako Akoranga	Te Waa	Ngaa Rauemi e Hiahiatia ana
I mua i te haere: Te Takatuu moo te Tirohanga			
Whakaraarangiia ngaa raraunga ka kohia i roto i te tirohanga maataitai	<p>Waahanga 2 Whakaaturanga Powerpoint: He aha taatou e kawe ai i te tirohanga maataitai?</p> <ul style="list-style-type: none"> Whakaaturia ki ngaa aakonga me te matapaki (ka kuhu ki roto i te ngohe e whai ake ana) 	10 meneti	Whakaaturanga Powerpoint Waahanga 2
Whakamaaramatia me te tohutohu i ngaa tikanga tirohanga me ngaa taputapu e whakamahia ana: ngaa tiipokatanga, ngaa puutapawhaa, ngaa taatari, puurere ine	<p>Waahanga 2 Whakaaturanga Powerpoint: He aha taatou e kawe ai i te tirohanga maataitai? (tirohia i runga ake nei)</p> <p>Te Hanga Puurere Ine Whakaharatau</p> <ul style="list-style-type: none"> Maa ngaa kaiako/ngaa aakonga e whakamahi taatauiria, tohutohu hoki kei roto i te kete rauemi maa ngaa kaiako hei hanga huinga akomanga moo ngaa puurere ine. <p>Kete Anga: Te whakaharatau i te ine me te whakamahi i te tuutohi tatau.</p> <ul style="list-style-type: none"> Ka whakamahi te kete rauemi hei taatauiria whakaharatau, me te ine i ngaa momo e tika ana ki ngaa puurere ine whakaharatau, me te tuhi i ngaa kitenga i te tuutohi tatau kei roto i te hautaka akoranga 	20 meneti	Whakaaturanga Powerpoint Waahanga 2 Ngaa tohutohu me ngaa Taatauiria Whakaharatau Puurere Ine, Te Kete Raumei maa te Kaiako Wh 31-32 Kete Anga Ngohe Hautaka Akoranga Wh 13
Whakamaaramatia he aha i kiiia ai he mea tino nui te ine me te tuhi i ngaa raraunga	<p>Waahanga 2 Whakaaturanga Powerpoint: He aha taatou e kawe ai i te tirohanga maataitai? (tirohia i runga ake nei)</p>	waahi o too mua	
Te Aromatawai Wewete	<p>He aha teenei mea te Tirohanga Maataitai?</p> <ul style="list-style-type: none"> Me whakakii ngaa aakonga i te ngohe tuutohu i te hautaka akoranga <p>Ngaa Taputapu Tirohanga</p> <ul style="list-style-type: none"> Me whakaoti ngaa aakonga i te ngohe i te hautaka akoranga 	15 meneti	Ngohe Hautaka Akoranga Wh 11 & 12

Putanga Ako Motuhake/ Momo Aromatawai	Wheako Akoranga	Te Waa	Nгаа Rauemi e Hiahiatia ana
	Te Haere aa-Takiwaa: Kawea te Tirohanga		
Kimihia te tauwaahi tirohanga, whakamahia te puutapawhaa me ngaa taatari hei kahi taatauiria	<p>Tirohanga Takiwaa</p> <ul style="list-style-type: none"> • Ka whakaoti te ngohe tauwaahi i te hautaka akoranga (ka taea pea te mahi i mua i te haere) • Ka kimi ngaa aakonga i teetehi tauwaahi tirohanga maa te roopuu, ka whakamahi i ngaa puutapawhaa me ngaa taatari hei kahi taatauiria 	1 raa	Ngohe Hautaka Akoranga Wh 14 Te Arotake Maataitai Nгаа Taputapu
Whakamahia he rau tataunga he whakapuukete i ngaa momo me te tapeke o ngaa maataitai, whakamahia he puuine hei ine i ngaa maataitai	<p>Tirohanga Takiwaa</p> <ul style="list-style-type: none"> • Ka whakamahi ngaa aakonga i ngaa taputapu tirohanga hei whakaoti i te puka raraunga 	1 raa	Te Arotake Maataitai Nгаа Taputapu Te Puka AApure Raraunga
Whakamaaramatia ngaa paanga o te tangata ki te waahi e tirohia ana	<p>Nгаа Paanga o te Tangata</p> <ul style="list-style-type: none"> • Me whakaoti ngaa aakonga i te ngohe i te hautaka akoranga 	1 raa	Ngohe Hautaka Akoranga Wh 15-16

Putanga Ako Motuhake/ Momo Aromatawai	Wheako Akoranga	Te Waa	Ngaa Rauemi e Hiahiatia ana
Wetekina ngaa hua o te tirohanga maataitai maa ngaa whakaaturanga rarauanga tootika ina koa, he kauwhata pae, he kauwhata pie, hei taapae puurongo moo: a) he aha ngaa momo kei reira, me ngaa takutai e noho raa raatou b) E noho ana ngaa maataitai nunui rawa/iti rawa ki whea c) mehemea kei te rerekee haere ngaa tapeke me ngaa rahinga maataitai ia tau, ia tau	Wheako Akoranga I muri i te haere: Te Taatari me te Whakamaaori i ngaa Kitenga Ngaa Raraunga Me whakaoti ngaa aakonga i te ngohe i te hautaka akoranga Te Taatari Raraunga: Ngaa Raumahi Aakonga Maa ngaa aakonga e whakaoti te taaurutanga raraunga me ngaa kauwhata mai i ngaa raumahi e whai ake nei. Me maatua hoatu ngaa kitenga tirohanga i teetehi tiipokatanga kotahi. 1) He aha ngaa momo maataitai kei te takutai one e noho ana? 2) He peewhea te rahi o ngaa tuangi/pipi? 3) He aha i rerekee haere ai te tuangi/pipi i runga anoo i te tawhiti mai i te tai pari? 4) Kia whakarite taatou i te takutai katoa	2-3 haora	Ngohe Hautaka Akoranga Wh 17 Te Taatari Raraunga – He Tiimatanga (He Moohiotanga maa ngaa Kaiako) Te Kete Rauemi Kaiako Wh 49 Te Taatari Raraunga: Ngaa Raumahi Aakonga Wh 51-62
Me noho ki te whakamaaori ki te aro-maatai hoki i ngaa whakaaturanga rarauanga maa te whakamahi i ngaa ariaa o te kiato, o te raneatanga, o te rerekeetanga maaori noa, me ngaa ia	Te Taatari Raraunga: Ngaa Raumahi Aakonga • Me whakaoti ngaa aakonga i ngaa paatai whakamaaori i ngaa raumahi. AA Maatou Koorero Whakamutunga mai te Tirohanga Maataitai • Me whakaoti ngaa aakonga i te ngohe i te hautaka akoranga	30-40 meneti	Te Taatari Raraunga: Ngaa Raumahi Aakonga, Te Kete Rauemi Kaiako Wh 52-62 Ngohe Hautaka Akoranga Wh 19
Te Aromatawai Wewete	He Aha ngaa Koorero a Ngaa Raraunga ki a Taatou? • Me whakakii ngaa aakonga i te ngohe tuutohu i te hautaka akoranga	10 meneti	Ngohe Hautaka Akoranga Wh 18

Mahia te Mahi – Eetehi atu Ngohe Whai i Muri – He Whakaaro		
<p>Etahi atu tauira – tirohia te Kete Rauemi Kaiako, wh, XXX moo eetehi atu whakaaro Tautuhitia eetehi atu rautaki/ma-hinga teeraa pea ka taea hei tiaki i ngaa maataitai/te whaanuitanga koiora raanei ina koa, ngaa raahui moana, ngaa raahui, te kohikohi parahanga, te maatauranga hapori moo ngaa herenga, te tuukinotanga wai aawhaa</p> <p>Kookiritia he whakatau hei whakapiki i te hauora o te taiiao moana</p> <p>Whakamaaramatia te ariaa Maaori o te ‘kaitiakitanga’ me te paanga o teenei ki te maataitai me te horopaki moana whaanui kee atu</p>	<p>He Wira Tukunga Iho</p> <ul style="list-style-type: none"> Maa ngaa aakonga e whakamahi teetehi hoahoa wira tukunga iho hei tiimata i ngaa whakaaro moo ngaa mahi ake ka taea, hei aarai i ngaa moorearea ki te maataitai Aromataita he Mahi Me koowhiri ngaa aakonga i teetehi o ngaa mahi i tautuhitia i too mua ngohe, me te aromatai i oona painga. Ka taea teenei te kawe aa-tangata takitahi, aa -roopuu raanei Kaitiakitanga Ka hanga ngaa aakonga i teetehi ‘beach care code’ hei whakaatu me peewhea raatou e noho ai hei kaitiaki moo te taiiao moana. 	<p>1-2 haora</p> <p>Ngohe Hautaka Akoranga Wh 20-22</p>
<p>Te Aromatawai Huihui</p>	<p>Te Whakaorite Kuputaka</p> <ul style="list-style-type: none"> Tiipakona ngaa kupu me nga tautuhinga mai i te kuputaka hei whakaorite maa ngaa aakonga Whakaraapopototanga moo Te Kaupapa Maa ngaa aakonga e hanga whakaaturanga akomanga/paatuu o aa raatou mahi i roto i te kaupapa arotake maataitai, maa te whakamahi i ngaa upoko e whai ake nei: Te taitara He mea nui te maataitai Nga moorearea ki ngaa maataitai Nga mea i hiahia taatou ki te moohio He peewhea taatou i kawe ai i te tirohanga? Nga kitenga o taa tatou tirohanga <p>Te Aromatai Kaupapa</p> <ul style="list-style-type: none"> Me whakaoti e ngaa aakonga te aromatai i te hautaka akoranga. Maa ngaa kaiako e kohi ka tuku ai ki te kaiwhakarite HGF. 	<p>1-2 haora</p> <p>Ngaa Ngohe Hautaka Akoranga Wh 19, 20</p> <p>Te Kuputaka, Te Kete Rauemi Kaiako Wh 68</p> <p>He rau pepa nunui, he pene ngohe</p>